



REPUBLIKA E SHQIPËRISË

MINISTRIA E SHËNDETËSISË  
DHE MBROJTJES SOCIALE  
SHËRBIMI SOCIAL SHTETËROR

**RREGULLORE**

**PËR**

**HETIMIN ADMINISTRATIV TË SINJALIZIMIT  
DHE MBROJTJEN E KONFIDENCIALITETIT**

**NË SHËRBIMIN SOCIAL SHTETËROR (SHSSH)**

Nëntor 2017

## **KREU I RREGULLA TË PËRGJITHSHME**

### **Neni 1 Baza ligjore**

Rregullorja për hetimin administrativ të sinjalizimit dhe mbrojtjen e konfidencialitetit në Shërbimi Social Shtetëror, bazohet në ligjin nr. 60/2016 “Për sinjalizimin dhe mbrojtjen e sinjalizuesve”, Kodin e Procedurave Administrative, si dhe në bazë të urdhërave, udhëzimeve dhe akteve të tjera nënligjore të miratuara nga ILDKPKI.

### **Neni 2 Objekti**

Objekti i kësaj rregulloreje është përcaktimi i rregullave për procedurën e shqyrtimit të hetimit administrativ të sinjalizimit dhe përcaktimin e mekanizmave të mbrojtjes së konfidencialitetit në zbatim të ligjit nr. 60/2016 “Për sinjalizimin dhe mbrojtjen e sinjalizuesve”.

### **Neni 3 Përkufizime**

Në këtë Rregullore termat e mëposhtëm kanë këto kuptime:

1. *“I sinjalizuar”* janë një ose më shumë persona, ndaj të cilëve bëhet një sinjalizim, sipas këtij ligji, në lidhje me një veprim ose praktikë të dyshuar korruptioni.
2. *“Njësia përgjegjëse”* është organi i posaçëm, i caktuar brenda autoritetit publik ose subjektit privat, i përbërë nga një ose më shumë punonjës të organizatës dhe i ngarkuar me detyrën e shqyrtimit të hetimit administrativ të sinjalizimit dhe shqyrtimin e kërkesës për mbrojtjen e sinjalizuesit, sipas përcaktimeve të këtij ligji.
3. *“Organizatë”* është autoriteti publik ose subjekti privat.
4. *“Sinjalizim”* është raportimi i informacionit nga ana e sinjalizuesit tek njësia përgjegjëse për veprime apo praktika të dyshuara korruptioni, të kryera në vendin e tij të punës në autoritetin publik apo subjektin privat.
5. *“Sinjalizues”* është individi, i cili aplikon ose është në marrëdhënie pune, ose ka punuar më parë pranë autoritetit publik apo subjektit privat, pavarësisht nga natyra e marrëdhënieve së punës ose kohëzgjatjes së saj, si dhe nëse paguhet ose jo, që sinjalizon një veprim ose praktikë të dyshuar korruptioni.
6. *“Subjekt privat”* është personi juridik privat, sipas Kodit Civil të Republikës së Shqipërisë, përfshirë tregtarin, sipas ligjit për tregtarët dhe shoqëritë tregtare.
7. *“Veprim ose praktikë e dyshuar korruptioni”* është një veprim ose mosveprim, fakte ose rrethana të kryera në një organizatë, për të cilat sinjalizuesi dyshon në mirëbesim, sipas këtij ligji, se mund të përbëjë korruption.

8. "ILDKPKF" është Inspektorati i Lartë i Deklarimit dhe Kontrollit të Pasurive dhe Konfliktit të Interesave.

## **KREU II VEPRIMTARIA E SHËRBIMIT SOCIAL SHTETËROR**

### **Neni 4 Parimet e veprimtarisë**

1. Njësia përgjegjëse e SHSSH për zbatimin e ligjit nr. 60/2016 "Për sinjalizimin dhe mbrojtjen e sinjalizuesve", bazohet në parimin e:

- a. ruajtjes së konfidencialitetit të informacionit të sinjalizimit dhe sekretit shtetëror;
- b. njohjes së identitetit të sinjalizuesit, përveç rastit kur ligji lejon pranimin e një sinjalizimi anonim;
- c. sinjalizimit vullnetar të një veprimi ose praktike të dyshuar të korruptionit;
- d. integritetit dhe paanshmërisë gjatë shqyrtimit të sinjalizimit;
- e. zbatimit të mekanizmave të efektshëm dhe të përshtatshëm për mbrojtjen e të drejtave dhe interesave legitimë të sinjalizuesit;
- f. procedurës së hetimit administrativ të sinjalizimit në mënyrë të shpejtë dhe të besueshme.

## **KREU III PROCEDURAT E VEPRIMIT**

### **Neni 5<sup>SHS</sup> Kryerja e veprimeve procedurale**

1. Veprimet procedurale të njësisë përgjegjëse kryhen në përputhje me ligjin nr. 60/2016 dhe në rast të mosparashikimit nga ky ligj sipas Kodit të Procedurave Administrative.

2. Njoftimet për veprimet procedurale, për të cilat njësia përgjegjëse cakton afate, duhet të përbajnë paralajmërimin e shprehur mbi pasojat e mosrespektimit të afatit.

### **Neni 6<sup>SHS</sup> Forma dhe përbajtja e sinjalizimit**

- 1. Sinjalizimi bëhet me çdo mjet komunikimi, në formë të shkruar ose deklarohet verbalisht para njësisë përgjegjëse dhe dokumentohet me shkrim prej këtij të fundit.
- 2. Sinjalizimi përmban të paktën:
  - a. të dhënat e identitetit të sinjalizuesit;
  - b. të dhënat e kontaktit të sinjalizuesit;
  - c. përshkrimin e faktave e të rrethanave të njohura nga sinjalizuesi për veprimin ose praktikën e dyshuar të korruptionit, shoqëruar me provat përkatëse, për aq sa është e mundur;
  - d. referimin përkatës në Kodin Penal të Republikës së Shqipërisë, për aq sa është e mundur, nga sinjalizuesi, të veprës ose praktikës së dyshuar të korruptionit;

e. nē rastin e sinjalizimit tek njësia përgjegjëse shkaqet ligjore dhe rrethanat e faktit, për aq sa është e mundur, nga sinjalizuesi, për përdorimin e mekanizmit të sinjalizimit të jashtëm.

3. Sinjalizuesi mund të zgjedhë të mbetet anonim dhe sinjalizimi pranohet nga njësia përgjegjëse si i tillë, vetëm nëse nē tē janë shprehur qartë dhe janë arsyetuar shkaqet e anonomatit dhe tē dhënët e sinjalizuar sigurojnë një bazë tē mjaftueshme për tē hetuar administrativisht veprimin ose praktikën e dyshuar tē korruptionit.

4. Në rastet kur sinjalizimi nuk është depozituar sipas formës dhe përbajtjes së mësipërme sinjalizuesit i kërkohet me shkrim tē korrigjojë këto tē meta brenda 7 ditëve nga data e marrjes së njoftimit për korrigjim.

### **Neni 7** **Mosfillimi i hetimit administrativ**

1. Njësia përgjegjëse e SHSSH ka tē drejtë tē mos fillojë hetimin administrativ nëse:

- sinjalizimi nuk është depozituar sipas formës dhe përbajtjes së kërkuar dhe sinjalizuesi nuk korrigjon këto tē meta brenda 7 ditëve nga data e marrjes së njoftimit për korrigjim;
- sinjalizimi përmban fakte dhe rrethana që nuk përfshihen në fushën e zbatimit tē ligjit nr. 60/2016, sipas nenit 3, pika 6, tē tij;
- kur nga përbajtja e sinjalizimit del haptazi se nuk ka elemente tē kundërvajtjes administrative ose tē veprës penale.

2. Mosfillimi i hetimit administrativ bëhet me vendim tē arsyetuar tē njësisë përgjegjëse tē Shërbimit Social Shtetëror.

### **Neni 8** **Hetimi i drejtpërdrejtë nga ILDKPKI**

1. ILDKPKI heton drejtpërdrejt sinjalizimin për veprimet ose praktikat e dyshuara tē korruptionit në organizata, tē cilat nuk kanë një njësi përgjegjëse për këtë qëllim.

2. Pavarësisht nga përcaktimi i pikës 1 tē këtij neni, sinjalizuesi ka tē drejtë tē sinjalizojë veprën e dyshuar tē korruptionit tek ILDKPKI në rastet kur;

- njësia përgjegjëse nuk fillon hetimin administrativ ose përfundon hetimin në kundërshtim me nenin 14 tē ligjit nr. 60/2016;
- ekziston dyshimi i arsyeshëm se pritësi i sinjalizimit në njësinë përgjegjëse ose persona tē lidhur me tē janë tē përfshirë ose kanë një interes tē drejtpërdrejtë ose jo tē drejtpërdrejtë, pasuror ose personal, në veprimin ose praktikën e dyshuar tē korruptionit. Sipas rastit, person i lidhur ka tē nejtin kuptim me përcaktimet e bëra në ligjin për tregtarët dhe shoqëritë tregtare ose ligjin për parandalimin e konfliktit tē interesave në ushtrimin e funksioneve publike;
- ka arsyë tē tjera tē bazuara për tē dyshuar në integritetin dhe paanshmërinë e njësisë përgjegjëse në shqyrtimin e sinjalizimit;
- prova e sinjalizuesit, në lidhje me veprimin ose praktikën e dyshuar tē korruptionit, mund tē fshihet ose tē shkatërrohet nga organizata.

3. Në rastet e përmendura në pikën 2, të këtij neni, çdo hetim i njësisë përgjegjëse, nëse ka filluar, ndërpritet dhe sinjalizimi hetohet në vijim nga ILDKPKI. Në rast se nuk vërtetohen kushtet e përcaktuara në pikën 2 të këtij neni, njësia përgjegjëse, me vendim të arsyetur e dërgon sinjalizimin për nisjen ose vijimin e hetimit administrativ tek organi kompetent.

## **KREU IV HETIMI ADMINISTRATIV**

### **Neni 9 Regjistrimi i sinjalizmit**

1. Sinjalizimet registrohen në një regjistër të posaçëm protokoll i elektronik për regjistrimin e sinjalizimeve.
2. Njësia përgjegjëse nuk mund të refuzojë për asnjë shkak regjistrimin e sinjalizmit.

### **Neni 10 Parimet e hetimit administrativ nga SHSSH**

1. Në kryerjen e hetimit administrativ njësia përgjegjese Shërbimi Socila Shtetëror vepron:
  - a. me ndershmëri, paanshmëri dhe efikasitet, duke pasur parasysh interesat legjitim të sinjalizuesit;
  - b. në mënyrë të pavarur nga pikëpamja politike dhe çdo influencë tjetër e padrejtë që mund të pengojë realizimin e detyrave;
  - c. duke shmangur çdo konflikt interesit të mundshëm përpëra fillimit të hetimit administrativ;
  - d. duke marrë të gjitha masat e përshtatshme për të mbrojtur dokumentacionin dhe provat lidhur me sinjalizimin nga zhdukja, fshehja, ndryshimi, falsifikimi dhe veprime të tjera, të cilat synojnë asgjesimin e tyre;
  - e. duke ruajtur konfidencialitetin e informacionit dhe të mbrojë të dhënat në përmbajtje të çdo sinjalizimi;
  - f. duke ruajtur sekretin shtetëror në përmbajtje të një sinjalizimi, në zbatim të ligjit.

### **Neni 11 Procedura e hetimit administrativ**

1. Njësia përgjegjëse heton administrativisht sinjalizimin, në përputhje me procedurën e përcaktuar në ligjin nr. 60/2016. Për aq sa nuk parashikohet ndryshe në këtë ligj, njësia përgjegjëse zbaton dispozitat e Kodit të Procedurave Administrative.
2. Njësia përgjegjëse ka të drejtë të kërkojë informacione dhe dokumente, të urdhërojë inspektimë ose analiza, të mbledhë deklarata ose të pyesë persona në dijeni ose rrethanat e çështjes ose të konsultohet me ekspertë të fushave të ndryshme.

3. Në hetimin administrativ merr pjesë sinjalizuesi dhe çdo person tjetër i tretë, kur dyshohet se posedon dokumente ose ka dijeni për rrethanat e sinjalizuar, përfshirë dhe të sinjalizuarin, nëse vlerësohet e nevojshme nga njësia përgjegjëse.

4. Çdo palë pjesëmarrëse në hetimin administrativ i garantohet një proces i rregullt, në përputhje me parashikimet në Kodin e Procedurave Administrative, si dhe:

- a. mund të japë deklarata me shkrim, argumente ose opinione;
- b. mund të konsultohet me dosjen e hetimit;
- c. ka të drejtë të dëgjohet në lidhje me pretendimet e tij.

5. Njësia përgjegjëse njofton sinjalizuesin për çdo masë të marrë në përgjigje të sinjalizimit jo më vonë se 30 ditë nga momenti i kryerjes së veprimit. Pavarësisht nga afati i njoftimit të parashikuar në këtë pikë, njësia përgjegjëse është e detyruar t'i përgjigjet brenda 30 ditëve nga marrja e kërkesës për informacion, të paraqitur me shkrim nga sinjalizuesi, në çdo kohë, në lidhje me çështjen e sinjalizuar prej tij.

6. Njësia përgjegjëse merr masa të menjëhershme, të çastit dhe për aq sa është e mundur, për të parandaluar ose penguar vazhdimin e pasojave të dëmshme nga veprimi ose praktika e dyshuar e korruptionit të sinjalizuar.

7. Nëse në përfundim të hetimit administrativ nga njësia përgjegjëse rezulton se veprimi ose praktika e dyshuar e sinjalizuar përbën ose mund të përbëjë një shkelje administrative, sipas ligjit, njësia përgjegjëse sipas rastit, vë në dijeni organin kompetent.

## Neni 12

### Provat në hetimin administrativ

1. Njësia përgjegjëse dokumenton çdo veprim që kryen gjatë hetimit administrativ. Dokumentet e nevojshme për hetimin administrative merren apo pranohen pa pagesë. Çdo shkelje e detyrimit të zyrtarëve apo të organizatave private për dhënie dokumentacioni shkresor apo dokumenti tjetër provues përbën shkak për fillimin e procedimit ligor në varësi të shkeljes së konstatuar.

2. Njësia përgjegjëse e SHSSH-së ka të drejtë të këqyrin sende, vende apo dokumentacion me qëllim fiksimin dhe dokumentimin e veprimeve apo të pasojave të veprimtarisë apo praktikës së dyshuar të korruptionit. Dokumentimi mund të bëhet me procesverbal, me mjete të tjera fotografike e filmike apo në çdo mënyrë tjetër.

3. Në raste të veçanta, njësia përgjegjëse e SHSSH vlerëson se ekzistojnë rrethanat për manipulin apo asgjësimin e dokumenteve shkresore, njësia përgjegjëse bllokon dokumentacionin apo mjetet e tjera provuese. Zyrtarët përgjegjës apo personat e tjerë janë të detyruar të mos kryejnë asnjë veprim mbi këto dokumente gjatë gjithë kohës që ato janë të bllokuara. Në çdo rast mbahet një procesverbal, që nënshkruhet nga anetaret e njësise përgjegjëse dhe zyrtarët përgjegjës apo personat e tjerë. Zhbllokimi i dokumentacionit bëhet me urdhër të Kryetarit te njësise përgjegjëse.

4. Gjatë ushtrimit të detyrës njësia përgjegjëse e SHSSH-së zbaton, për aq sa mund të jetë e përshtatshme, të gjitha mjetet dhe mënyrat provuese të parashikuara në Kodin e Procedurave Administrative.

5. Në fund të kontrollit mbahet akt-kontrolli, i cili nënshkruhet nga njësia përgjegjëse dhe zyrtarët e organit shtetëror apo personat drejtues në organizatat private. Në rast se këta të fundit nuk janë dakord me përbajtjen e aktit kanë të drejtë të bëjnë vërejtje dhe të paraqesin kundërshtime. Kopje të argumenteve dhe të dokumenteve kundërshtuese i bashkëlidhen aktit.

**Neni 13**  
**Përfundimi i hetimit administrativ**

1. Njësia përgjegjëse përfundon hetimin administrativ nëse:

- a. gjatë hetimit rezulton se sinjalizimi për veprimin ose praktikën e dyshuar të korruptionit është i bazuar. Në këtë rast, njësia përgjegjëse njofton menjëherë Prokurorinë ose Policinë e Shtetit.
- b. sinjalizuesi nuk ka vepruar në kushtet e mirëbesimit, në zbatim të nenit 6 të ligjit nr.60/2016.

2. Në dosjen e sinjalizimit shënohen vendimi për përfundimin e hetimit administrativ nga njësia përgjegjëse i arsyetuar për të gjitha shkaqet që kanë çuar në vendimmarrjen përkatëse, si dhe masat e marra në lidhje me sinjalizimin.

**KREU V**  
**RUAJTJA E KONFIDENCIALITETIT DHE TË DHËNAVE PERSONALE**

**Neni 14**  
**Konfidencialiteti**

1. Gjatë procedurës së hetimit administrativ të sinjalizimit identiteti i sinjalizuesit u bëhet i ditur personave të tretë vetëm me pëlqimin e tij me shkrim.

2. Njësia përgjegjëse duhet të ruajë në çdo kohë në mënyrë konfidenciale informacionin e lidhur me sinjalizimin, duke mos e përhapur ose transmetuar tek persona të tretë, si dhe të mos e përdorin për qëllime të tjera, përvçese me pëlqimin me shkrim të sinjalizuesit ose përmbrashjen e një detyrimi ligjor.

3. Njësia përgjegjëse në komunikimet me organizatën ku punon sinjalizuesi ose me çdo subjekt apo autoritet tjetër, privat ose shtetëror, respekton detyrimin e konfidencialitetit dhe ua komunikon informacionin e nevojshëm vetëm personave të caktuar për hetimin administrativ ose përmarrjen e masave për ndjekjen e fakteve të sinjalizuara, në kuadër të një marrëveshjeje konfidencialiteti mes palëve.

**Neni 15**  
**Mbrojtja e të dhënavë personale**

1. Të dhënat personale të individëve të përfshirë në hetimin administrativ përpunohen vetëm për qëllim të ligjit nr. 60/2016. Në çdo rast, përpunimi i të dhënavë personale kryhet sipas parimeve dhe procedurave të legjislacionit në fuqi për mbrojtjen e të dhënavë personale.

2. Në rastet kur, në zbatimin e këtij ligji, konstatohet mosrespektim i legjislacionit për mbrojtjen e të dhënavë personale, çështja i referohet Komisionerit për të Drejtën e Informimit.

**KREU VI**  
**AFATI PËR PROCEDURËN E HETIMIT ADMINISTRATIV**

**Neni 16**  
**Afatit për vendimmarrjen**

1. Procedura e hetimit administrativ të sinjalizimit nga SHSSH-ja përfundon sa më shpejt të jetë e mundur, por, në çdo rast, jo më vonë se 60 ditë nga data e fillimit të hetimit, përvçse kur nga rrrethanat kërcohët një afat më i gjatë.

2. Shtyrja e afatit për hetimin administrativ bëhet me vendim të arsyetuar të njësisë përgjegjëse duke përcaktuar edhe afatin e ri kohor të shtyrjes në përputhje me vështirësinë dhe kompleksitetin e çështjes.



**FORMULAR I SINJALIZIMIT TË BRENDSHËM  
“TË NJË VEPRIMI OSE PRAKTIKE TË DYSHUAR KORRUPSIONI”**

*DREJTUAR:Njësisë Përgjegjëse të caktuar në zbatim të ligjit nr. 60/2016 “Për sinjalizimin dhe mbrojtjen e sinjalizuesve”*

1-Unë sinjalizuesi \_\_\_\_\_, lindur më \_\_\_\_\_, vendlindja \_\_\_\_\_, banues në \_\_\_\_\_  
adresën: \_\_\_\_\_ dhe me kontakte \_\_\_\_\_, me detyrën e \_\_\_\_\_  
në \_\_\_\_\_ paraqes sinjalizimin si më poshtë vijon:

---

---

---

2-Unë sinjalizuesi zgjedh të mbetem anonim duke shpjeguar qartë dhe në mënyrë të arsyetuar  
shkaqet e animosit si më poshtë:

---

---

---

paraqes sinjalizimin si më poshtë vijon:

---

---

---

Bashkëlidhur këtij sinjalizimi, provat përkatëse që paraqes janë si më poshtë:

---

---

---

Nuk kam prova përkatëse, por ato mund të gjenden \_\_\_\_\_

Për këto arsyen, kam dyshime për ekzistencën e një fakti që përbën veprën penale të parashikuar  
nga neni \_\_\_\_\_ i Kodit Penal (*nëse është e mundur ta përcaktoni një gjë të tillë.*)

Ky formular sinjalizimi u mor në dorëzim më /\_\_\_\_\_/\_\_\_\_\_, në \_\_\_\_\_ nga \_\_\_\_\_,  
punonjës i Njësisë përgjegjëse në \_\_\_\_\_.

Sinjalizuesi  
Emër Mbiemër

Njësia përgjegjëse  
1-Emër Mbiemër